



ს ა ქ ა რ თ ვ ე ლ ო  
წყალტუბოს მუნიციპალიტეტის საკრებულო



განკარგულება:გ-49. 49230559

თარიღი:24/02/2023

**გ ა ნ კ ა რ გ უ ლ ე ბ ა № 30**

**არასამეწარმეო (არაკომერციული) იურიდიული პირის „ბავშვთა ინკლუზიური ცენტრი“-ს მიერ 2022 წლის III-IV კვარტალში გაწეული მუშაობის შესახებ**

წყალტუბოს მუნიციპალიტეტის საკრებულომ მოისმინა ანგარიში, ა(ა)იპ „ბავშვთა ინკლუზიური ცენტრი“-ს მიერ 2022 წლის III-IV კვარტალში გაწეული მუშაობის შესახებ.

აღინიშნა, რომ წარმოდგენილი ანგარიში შესაბამისობაშია კანონმდებლობასთან და სათანადო დებულებით გათვალისწინებულ მოთხოვნებთან.

ზემოთ აღნიშნულიდან გამომდინარე, საქართველოს ორგანული კანონის „ადგილობრივი თვითმმართველობის კოდექსის~ 61-ე მუხლის მე-2 ნაწილისა და „წყალტუბოს მუნიციპალიტეტის საკრებულოს რეგლამენტის დამტკიცების შესახებ“ წყალტუბოს მუნიციპალიტეტის საკრებულოს 2017 წლის 28 ნოემბრის N36 დადგენილებით დამტკიცებული რეგლამენტის 25-ე მუხლის პირველი პუნქტის „ვ“ ქვეპუნქტის შესაბამისად:

1. დამტკიცდეს ა(ა)იპ „ბავშვთა ინკლუზიური ცენტრი“-ს ანგარიში 2022 წლის III-IV კვარტალში გაწეული მუშაობის შესახებ.
2. ა(ა)იპ „ბავშვთა ინკლუზიური ცენტრი“-ს მიერ 2022 წლის III-IV კვარტალში გაწეული მუშაობა შეფასდეს დადებითად.
3. განკარგულება ძალაში შევიდეს გამოქვეყნებისთანავე.
4. განკარგულება შეიძლება გასაჩივრდეს კანონით დადგენილი წესით, მისი გაცნობიდან ერთი თვის ვადაში, ქუთაისის საქალაქო სასამართლოში (მის: ქ. ქუთაისი, კუპრაძის ქ. №11).

თეიმურაზი ჭეიშვილი

წყალტუბოს მუნიციპალიტეტის საკრებულო-საკრებულოს თავმჯდომარე

გამოყენებულია კვალიფიციური ელექტრონული ხელმოწერა/ ელექტრონული შტამპი



**ანგარიში**

**არასამეწარმეო (არაკომერციული) იურიდიული პირის „ბავშვთა ინკლუზიური ცენტრი“-ს მიერ  
2022 წლის III-IV კვარტალში გაწეული მუშაობის შესახებ**

ა(ა) იპ “ბავშვთა ინკლუზიური ცენტრი” დაარსდა 2015 წელს. ცენტრი სრულად ფინანსდება წყალტუბოს მუნიციპალიტეტის მიერ.

ა(ა) იპ “ბავშვთა ინკლუზიური ცენტრი“-ს ხარჯთაღრიცხვა 2022 წელს შეადგენდა 160 600 ლარს.

2022 წლის III-IV კვარტალში ათვისებულია 85229,88 ლარი,

ცენტრი ახორციელებს შშმ პირთა ზრუნვის პროგრამას. ჯანდაცვის სამინისტროს დადგენილების რეაბილიტაცია/აბილიტაციის პროგრამას, ინტეგრაციას, ინკლუზიურ განათლებას.

ცენტრში ირიცხება წყალტუბოში და წყალტუბოდან 20 კმ -ის რადიუსში მცხოვრები ბენეფიციარები. ბენეფიციარებს ემსახურება ცენტრის კუთვნილი მიკროავტობუსი.

ბენეფიციარები უზრუნველყოფილნი არიან ორჯერადი კვებით. ორივე კვება სამ/კომპონენტია. ხორცის და თევზის პროდუქტების შემოტანა ხდება კვირაში 4-ჯერ, ყოველდღიურად.

თითოეულ ბავშვზე გათვლილია კალორაჟი. მიღებული საკვების ნიმუშები 24 საათის განმავლობაში ინახება მაცივარში (უსაფრთხოების თვალსაზრისით).

ცენტრი აღჭურვილია თანამედროვე ტექნიკით, მუსიკალური ინსტრუმენტით, რომლის საშუალებითაც ხდება ბენეფიციარების ჩართვა კულტურულ ღონისძიებებში. ცენტრი აღჭურვილია კომპიუტერული ტექნიკით, პროექტორით, ლამინირების აპარატით. ცენტრში ფუნქციონირებს ვიდეოთვალი.

ა(ა) იპ “ბავშვთა ინკლუზიური ცენტრი“-ში 2022 წლის III-IV კვარტალში ირიცხებოდა 17 ბენეფიციარი

შემდეგი დაავადებებით:

1. დაუნის სინდრომით
2. აუტისტური სპექტრით
3. ცერებრალური დამბლით
4. გონებრივი შეზღუდვით

ცენტრში დასაქმებულია 16 ადამიანი.

2022 წლის III-IV კვარტალში ბავშვთა ინკლუზიურ ცენტრში ჩატარდა შემდეგი ღონისძიებები:

1. მოხდა შენობის ნაწილობრივი რემონტის ჩატარება, კერძოდ დერეფანში და ერთ ოთახში სრულად გამოიცვალა ლამინირებული იატაკი, დანარჩენ ოთახებში მოხდა იატაკის ნაწილობრივი შეკეთება, ასევე ერთი ოთახი შეიღება სრულად დანარჩენ ოთახებში ჩატარდა ნაწილობრივი კოსმეტიკური რემონტი.
2. წყალტუმბოს N3 და სოფ. ფარცხანაყანევის საჯარო სკოლამ სასიამოვნო დღე აჩუქეს ბავშვებს და ტკბილეულით და საახალწლო საჩუქრებით გაუმასპინძლდნენ.
3. წყალტუმბოს მუნიციპალიტეტის მერის ბ-ნ გენადი ბალანჩივაძის და სხვა ადგილობრივი ხელისუფლების წარმომადგენლების მიერ ბენეფიციარებს გადაეცათ საახალწლო საჩუქრები.

მულტიდისციპლინარულ გუნდთან ერთად შემუშავებულია თითოეულ ბენეფიციართან მუშაობის ინდივიდუალური სამუშაო გეგმა, რომელიც შედგენილია მათი გონებრივი შესაძლებლობების მიხედვით.

მუშაობა მიმდინარეობს შემდეგი უნარების განვითარების მიმართულებით:

- 1.აკადემიური უნარები
- 2.მეტყველების უნარები
- 3.ქცევა.
- 4.ფუნქციური უნარები (ყოფითი უნარ-ჩვევები)
- 5.მსხვილი და ნატიფი მოტორული უნარები
- 6.კოგნიტური უნარები
- 7.ემოციურ სოციალური სფერო.

თითოეულ ბენეფიციართან მიმდინარეობს სწავლება როგორ უნდა დაიცვან პანდემიის პირობებში რეგულაციები.

1. პირბადის ტარება
2. ხელების დამუშავება სადეზინფექციო ხსნარით (დისპენსერის გამოყენება).
3. დისტანციის დაცვა
4. ხელების ხშირი დაბანა.
5. სუნთქვითი ვარჯიშები

პანდემიამ გარკვეული კვალი დატოვა თითოეული ბენეფიციარის განვითარებაში. თუ კი მიღწევები წინა წლებში მაღალი იყო, 2022 წელს ეს შედეგები საგრძნობლად ნაკლებია.

ორგანიზაციას უყურადღებოდ არ ტოვებენ კეთილი ადამიანები,

„ბავშვთა ინკლუზიურ ცენტრი“-ს უსასყიდლოდ ემსახურებიან

1. შპს „ჰიგია“ - ხელ-ი კ. კიკვიძე და ც. გურუშიძე
2. შპს „ერი“ - ხელ-ი რ. კუხალაშვილი
3. შპს “ფლაინტი“ ხელ-ი- გ. ყუფარაძე

მადლობა მინდა გადავუხადო ყველა იმ ადამიანს, რომლებიც ზრუნავენ ბენეფიციარების მდგომარეობის გაუმჯობესებასა და მათი კეთილდღეობისათვის.